

澄城縣志卷八

職官上

班書載循吏六人范書載循吏十二人難已顧志與史異其漢唐以來莫得而遍考者概從闕如降自金元以迄于今或稽之案牘或存之碑板以次列書而治績卓越者別爲傳以表之椽佐之屬亦不遺焉昉唐杜佑通典職官志備書其姓字而尙論庶可詳考矣

文職

周邑大夫

秦公子鍼陝西通志桓公之子景公之弟食邑北徵卽今澄城縣周禮有邑大夫之官凡食采者皆其邑大夫公子鍼

澄城縣志

卷八

職官上

一

旣食北徵見於左傳國語卽澄之邑大夫也路志載入封錫猶不離官師至戴志改入縣屬殊乖體例今移冠於此

漢令

王阜通志路史餘論云王阜字世公或云代公爲重泉令吏民嚮化鸞止學館阜使授官椽公沙疊爲張雅樂擊磬鸞舉足垂翅應聲而舞東觀漢記曰王阜爲重泉令鸞鳥止學宮闕阜使椽公沙疊爲雅樂鳥舉足垂翅應聲而舞止縣庭畱十餘日迺去按同州志此條載蒲城縣志今攷後漢光武時省澄爲重泉地阜實後漢令重泉則澄蒲不妨兩載路志誤爲後晉時人列於後魏之次亦太簡略茲從東觀漢記查明按世代列於此

後魏郡守

陸登代人元象初任澄城郡太守按魏書太平眞君七年析郃陽置澄城縣兼置澄城郡登爲郡守其在此時歟舊志同後魏都將

薛欽爲三門縣都將常建言改京西二州五郡陸運文載舊志今仍存之魏書地形志三門縣舊屬澄城郡都將魏官名未詳意卽董治一邑如後世縣令者然今照舊志載入

唐縣令

敬山松平陽人中宗相暉之父

賈元敏滄州人

裴雯 人舊志張彥遠名畫記裴雯官至同州澄城縣令

澄城縣志

卷八

職官上

一一

工花鳥鷹鷂觜爪鮮利甚得其趣註又善歌嘗醉酣歌歌闋便畫自娛文宗時詔以李白詩歌裴雯劍舞張旭草書爲三絕顏眞卿云雯嘗與幽州都督孫佺北伐爲奚所圍雯舞刀立馬上矢四集皆迎刃而斷奚大驚引去後以龍華軍使守北平北平多虎雯善射一日得虎三十一休山下有老父曰此彪也稍北有眞虎使將軍遇之且敗雯不信怒馬趨之有虎出叢薄中小而猛據地大吼雯驚馬辟易弓矢皆墜自是不復射雯嘗求吳道子爲其母畫鬼神天宮寺資母冥福道子觀雯舞劍揮毫大進

宗義仲南陽人文苑英華永泰間以上柱國遊擊將軍自韓城調澄城令有廉政擢監察御史升大理少卿嶺南節度判

官有去思碑久廢

鄭楚相字叔敖鄭州滎陽人通志貞元二年授長安尉後宰澄城吏民信服訟簡役均人和歲稔民思慕之立石以識舊志楚相先爲東觀校書郎秩滿後調判及殊績授長安尉後爲澄城令用簡成賦由平頒役人間歲安風清雲明百姓孫士良等請命朝省貞元十一年詔諭銘記功德於其理所之南門集賢殿學士陳京爲撰德政碑元和三年爲水部員外郎韓昌黎同時友也碑係鄭雲達所書名筆已殘收入金石志

白潛成貞元十四年任

宋知縣事

澄城縣志

卷八

職官上

三

呂大防字微仲藍田人登進士第嘉祐閒知澄城縣事眞宗時除監察御史哲宗召爲翰林學士拜左僕射不事邊功而天下自然富庶

石道立曰丞相呂汲公關中巨儒其爲縣之績無聞惟岱嶽廟記中稱其有遺愛焉夫謂之遺愛其政必有大過人者惜文不足徵無以詳其實耳雖然觀相業不可以知爲令哉

亞熊按汲公宰澄時與兄大忠弟大臨同游隋公泉有題名石刻見金石志

蘇堯卿字君俞元祐壬申以宣德郎知縣事

韋夷道字子平紹聖乙亥年任

王浹汝陽人大觀庚寅年任

周詵政和六年以承議郎知縣事

劉商議字叔監宣和初元知縣事後官至宰相隋公泉題名刻云大丞相劉少逸公昔化一邑遺愛猶存今澤被天下斯石可泐而盛德無窮矣

張綱宣和二年以奉議郎知縣事兼兵馬都監創建魏鄭公祠祠記卽其所作碑失

宋京皇祐六年以大理寺丞知縣事兼兵馬監押按省志府志及舊縣志俱不載今於伏龍廟碑查出補錄於此碑見金石

金縣令

澄城縣志

卷八

職官上

四

高德甯明昌二年以廣威將軍行澄城縣令上騎都尉廣陵郡開國子食邑五百戶

艾元老字長卿大興人以父蔭入仕先爲淳化令承安二年任澄城知縣寬而能斷嚴而不苛興廢修墜百事具舉有遺愛及民後爲定遠大將軍百姓立祠紀石同州教授孫鎮有碑記見藝文又有周恤故主簿馬炳亨子女事人盛稱之事載炳亨傳

李

名缺

大定五年以建威將軍行澄城縣令上騎都尉隴西

縣開國子食邑五百戶按此條通省志府志及舊志俱不載今于三官洞碑見此官銜並以年代攷之補載於此碑見金石志

董淵以承務郎同州澄城縣令武騎尉賜緋魚袋按此條無到任年月通志及府縣志俱不載今於午西寺碑見此官銜係大定十二年故補載於此碑采入金石志

元達魯花赤

省志註秩正四品初爲總管府至元九年更爲散府熊按卽今之駐防今止設於省會元則各縣均設耳舊

志載於元縣尹前今仍舊

哈喇不花渭南人至元間任

禿魯失迷前至元二十四年以進義副尉兼諸軍奧魯爲縣達魯花赤

八刺至元二十八年任達魯花赤

唐兀延祐二年以進義校尉爲安西路澄城縣達魯花赤兼

澄城縣志

卷八

職官上

五

管本縣諸軍奧魯事勸農事見玉泉觀碑載金石

赤只兒瓦互通志至正十九年任澄城縣達魯花赤是歲夏五月大旱徧禱羣神竟獲甘澍六月縣南遵教社飛蝗害稼公奉幣告奠蝗入鄰境歲不爲灾

海福丁以敦武校尉澄城縣達魯花赤兼管本縣諸軍奧魯勸農防禦事見 廟碑無年代補錄

元縣尹

王永忠至元二十四年任以敦武校尉兼諸軍奧魯爲縣尹張洵字子都欒城人至大二年以徵仕郎爲縣尹捐俸修儒學韓城教諭岳松有記碑見金石

彭散竹仄延祐二年以承仕郎爲縣尹兼管本縣諸軍奧魯

勸農事名見玉泉觀碑

王璵至治元年以登仕郎爲縣尹兼管本縣諸軍奧魯事勸農事名載廣濟院碑見金石

宋傑後至元四年以承務郎爲縣尹兼管本縣諸軍奧魯勸農事重修城隍廟有記碑見金石

竇本字可立竇禹鈞之後至正四年冬以徵仕郎爲縣尹接人以禮御下以寬潔已公勤處事精詳終雲陽同知

樊青至正十六年爲縣尹見浮澤廟碑載金石

元知縣事

薛文耀字彥暉丹陽郡人前至元二十七年以從事郎知縣事剛方清慎勞績著聞獄空訟簡時和年豐嘗捐俸金以修

澄城縣志

卷八

職官上

六

廟學民樂趨事効勞者不期而至碑載學宮見金石

郝思仁字德甫平陽人元貞元年以徵仕郎知縣事嗜經史重儒術居官任公臨事有決廉而不矯和而不同爲政屢有能聲

閻洵至正十九年任以下三人未註縣尹知縣事姑附于末郭德元至正年間任

韓莊至正末任按舊志載吳二年時明尙未統一仍應附此明知縣

王秩洪武四年以從事郎任舊志載吏愛民肇興學校洪建百規開先來者所創修甚多人省志失其籍

文蔚永樂九年以承事郎任

楊季琦交阯北江府臨嘉舉人正統二年任時聲教未融制度尙缺季琦至定法令布條約輕徭薄賦與民休息建學修城堡壇壝公署百度具舉時和年豐民若安堵有政績記及詩詞見藝文後升延平府通判祀名宦入省志

趙瑾山東博興舉人天順五年任涖政剛明終始如一創建縣治譙樓入省志

單彥明四川新都舉人

王秉彝四川重慶人成化初以御史左遷知縣

崔珽河南通許舉人

王敬山西潞州舉人

楊剛巴陵舉人成化十九年任剛方有爲刑杖取二棍合而

澄城縣志

卷八

職官上

七

用之時呼爲雙棍楊未期年卒

按石路二志俱作四川巴陵戴志與張文垣府志則但云巴陵刪去四川二字巴陵縣隸湖南四川祇有巴州巴縣上下必有誤姑依戴本

楊泰山西代州舉人洪治四年任臨民慈惠處事周詳廢墜畢舉尤加意學校升苑馬寺丞或云鄖陽府通判擢德州知州終甯夏慶府長史入省志

王臣山西平定州舉人

徐政山東濱州舉人洪治十一年任明敏莊毅處事皆有紀律教民植桑棗勤耕織暇則親履原野凡坡陀畛隰率民修理夜則巡視街坊民之勤職業者旦卽以所業勞之案無畱

牘禁無宿囚後升山西僉事歸值流寇陷濱州樹標於門曰此清吏也秋毫無所犯省志澄人祀名宦

秦銘北直隸趙州人例貢生

侯璽山西長子舉人正德初任嚴明剛斷教農課士人始畏而終慕之省志初任白水以才堪治劇調澄惡衣菲食後擢知商州官至僉事

韓齊山東青城舉人正德六年任時妖賊李午擁衆陷洛川脅縣令妻子殺之屯兵彭衙漸逼澄城居民犇散齊告援於潼關兵備道張禴卒獲撲滅澄人德之建延恩祠以齊配禴饗焉知縣劉一中有記見藝文

劉一中字貫道山西蒲州進士正德九年任學富才優賞明

澄城縣志

卷八

職官上

八

刑當有文武才喜治兵事澄邑舊苦盜後畏一中屏息不敢發朝邑韓五泉邦靖爲撰嘉禾記碑見藝文入省志

李綸山東甯海監生正德十二年任清慎有爲甫五月而卒貧不能歸諸生請於當道移檄云公論旣出於學校起送宜倍於尋常一時爭賻始得旅襯還鄉

孫健河南新蔡舉人正德十三年任端重耿介節用愛人入

省志

孫環山西安邑舉人

魏紳山西應州舉人正德十六年任勇敢明決不畏強禦

郭拱樞山西高平舉人

荀玠山西霍州舉人嘉靖五年任鋤強扶弱境內肅然

史周山西蒲州舉人嘉靖六年任持身正大不喜逢迎
任纘四川南充舉人嘉靖八年任平易近民僅六七月以憂
歸

洪廷玉貴州普定衛舉人嘉靖九年由教職升任政善民安
甚有清節入省志

楊正芳長楊監生

安明善山西代州舉人嘉靖十三年任樸實有守事不妄爲
張衍河南祥符監生

鄭光溥字伯公山東益都人北畿省元聯捷進士嘉靖癸卯
以御史左遷澄城縣文章政事皆可師法涖事未二年新縣
治興學校具有成績擢知華州士民泣送如失慈母戀戀不

澄城縣志

卷八

職官上

九

忍舍畱鞞懸之譙樓且歌曰侯實父母難借易別五馬在驂
去不可遮千古遺愛瞻仰此鞞居者墮淚行人口碣後升南
京戶部員外郎終四川參議入省志

徐效賢字宗義四川江津舉人嘉靖二十四年任詢民疾苦
訪求利病簡催科息鬪訟興學校修武備浚井泉完城郭秩
神祠營公署墾久荒之田恤無告之民言成物範清畏人知
有古循吏風時人謂今鄭宛如古鄭

古鄭謂楚相今鄭謂光

溥

後徐又似前徐之謠

前徐謂政也

歷官四年衣不重襲食

無兼味比卒之日士民哀之爲之罷市尋以祀事請郡如所
請嘉靖庚戌知縣敖佐奉檄建追思祠肖公像吳橋進士李
懿作記又有徐公吏坊記邑人馬躍如撰係公歿後十日所

所樹邑舊無志公創纂之甫成未刊而卒後敖佐取遺藁刻之卽今之石志也朝邑進士韓苑洛邦奇有序三原進士馬谿田理題詞俱見序錄祀名宦入省志

石道立日欲知徐大夫之賢觀諸請祠事彰彰矣夫生而民戴之死而民懷之懷之而終不可諼也又羣然請諸郡而祠祀之徐大夫之於民有遺愛焉

敖佐字汝弼直隸滄州監生嘉靖二十九年任和平慈惠治澄一循徐舊人稱其賢如繼徐纂修邑志其一事也澄之有志自茲始

孫瑋字文煥四川新都舉人嘉靖三十一年由醴泉教諭升任

澄城縣志

卷八

職官上

十

程尙儒字宗醇四川岳池舉人嘉靖三十二年任

蘇璜山東堂邑舉人嘉靖三十五年任作士愛民清聲遠播升湖廣僉事民有去後之思

楊資乾貴州舉人嘉靖四十二年任丁憂回籍

皇甫鍾岳河南睢州舉人嘉靖四十四年任繕城池定賦額升揚州府通判

陳力山西猗氏舉人隆慶四年任清正有爲升寶慶府通判張士特河南臨潁舉人萬曆三年任調直隸新河去

暢孟樂山西河津舉人萬曆五年任重修西門外舊學宮郤陽進士范燧有記見藝文

王遇春山西安邑舉人萬曆中任威惠民懷重修關帝廟有

記

張四術山西馬邑貢士萬曆十五年任

阮和咸雲南臨安衛舉人萬曆十七年任修關帝廟有碑

高一夔河南陳畱舉人萬曆二十一年任精明仁厚善政宜

民澄邑素苦徭役重累單戶一夔申請立條鞭法徭役始均

南邦化山西安邑進士知澄城縣始立條鞭法大便里甲後

人被德不衰

洪亮吉日南邦化府志縣志職官皆不載未知何故又通

志註云南高二傳俱云立條鞭法豈高發其端而南成其

事乎合傳之見其終始云今遵通志附於高傳下

劉有餘號小石直隸眞定進士萬曆二十五年任治民有善

澄城縣志

卷八

職官上

十一

政甄拔童蒙隨博士弟子員季考小子俱能有造文運肇興
黃榜四川綦江舉人萬曆二十七年任勤於民事置學田立
義倉招流墾穢又造木牛滾鋤以勸耕當事皆稱其才語在
自記圖中今失

史東昌字巽山山西蔚州進士萬曆三十年任性強毅敢言
不畏權勢而拊民不異家人父子貧民輸賦牛羊花布粟米
之屬皆準入收親視衡量不任左右有行貸者亦籍而付之
故催科不擾嚴冬施矜寡以絮衣民間富商遂興起焉升刑
部主事民立生祠樹碑入省志碑失

楊洪謨山東滋陽舉人萬曆三十七年任

令狐一伸山西猗氏舉人萬曆四十年任升順慶同知

姚祚昌四川成都舉人萬曆四十七年任加意作人改建文昌祠於西關舊所扶翊文風後調洛川縣知縣

陳璧河南商城舉人天啓元年任深於詩教志在恬退有和唐姚合武功縣居詩三十首志僅錄一二首又有勗新進童子詩

毛丹鳳字陽桐四川威州貢生天啓三年任愷弟明敏事無疑滯尤重文學特置文昌祠春秋二祭士民懷之後升鎮南知州

張斗耀山西蒲州進士天啓六年任

杜國漸北直南宮貢士天啓七年任催科不擾緩急宜人當時稱爲寬平後愈追思入省志

澄城縣志

卷八

職官上

十一

倪承恩北直宣府貢士崇正三年任

王選字瀛洲四川西充進士崇正四年由整屋調任性嚴正禁暴戢奸尤重學校教士以行已卓犖爲本緣逋賦充下考旋卒士民立祠於縣治門左今廢碑失入省志

毛昂霄山東曲阜舉人崇正八年任逾月公出流賊破城被議民憐而懇諸上得免釀金資歸

傅應鳳號菊菴浙江山陰舉人崇正九年由內鄉調澄城平易近民寬猛合宜遇士有禮十三年饑民倡亂賑贍勸貸勸撫得法又重修學宮東廡進士韓一良有記見藝文升淮安府宿邳同知入省志

徐時勉字克勤南直嘉定貢士崇正十四年任性執行果取

予嚴於一介一切差發不任左右雖援引舊額丹筆搖搖不輕下也觀其堂聯云天惟顯思凜檐際明威儼矣舉頭之近民亦勞止瞻階前赤子居然千里而遙可以知其居官行政矣入省志

國朝知縣

靳榜直隸祁州貢生順治二年任敷政寬平與民休息會郃陽衛天命倡亂三年逼澄城榜死之

王用傑山西陽城貢生順治三年任時土寇尙多到處迫脅用傑奉檄勦撫觀其自製真武廟碑云旣禦黃張魏賀又誅王孫雷劉翦除渠魁其餘若周樊諸匪猶可化誨者收其弓馬獻俘編伍其安輯澄邑厥功不淺至修葺公署廟宇亦務

澄城縣志

卷八

職官上

十二

與民節省各詳自記中詎以微眚致掛彈章官固有幸不幸哉如公之廓清地方百世下猶可共諒自應與效死不去之靳公祀入名宦節烈俎豆於不祧矣入省志

姚欽明

府志作欽

字四表江南江甯貢生順治四年任憤餘

孽猖狂躬冒矢石削平大寇幾處境內獲安縣治公署壇壝廟宇久爲兵燹焚毀一一修復招集流亡殫心民瘼尤念逋賦之由皆爲荒糧之累條悉諸弊申請再三得邀免苦客兵防禦設壯丁代之苦長安陸運申減折色進諸生勤考課雪冤獄賑貧寒至有捐俸以助其婚娶者多愛民實政種種不堪枚數以縣志久缺博訪舊聞敦選遺老纂修成帙卽今所傳路志也申文諸多自記又有善政生祠及申除荒糧重修

魏鄭公各碑俱載藝文應祀名宦入省志

束時泰

時一作士

江南丹陽貢生順治八年任問民疾苦除

去煩苛誠足動衆明能燭奸甫月餘巷祝輿頌歌聲載道以瘡疾暴卒邑民斂金反其喪焉反之曰白裳素衣執紼號泣失聲而後歸者蓋千餘人

張秉直徵信錄曰束公涖任月餘卒志失不載歷年久遠今遂無有知者予從敝篋中得先祖遺藁數紙有束公遺愛序一篇又有口碑一篇文中盛稱其美因錄之以補舊志之缺

張德亨

失籍

順治初年任

李衡山東恩縣貢生順治九年任

澄城縣志

卷八

職官上

十四

胡夢斗浙江湖州府副貢順治年間任

以上三人通志府志

及新舊縣志俱不載今於路氏補逸見之考其年代俱在順治間亟補錄附此以俟知者

吳定字澹菴江南上海貢生順治十一年任邑素凋殘公加意撫綏崇儒愛民卽至蠢愚眎如家人父子境內地界舊無冊籍多致爭訟公丈地均糧訂魚鱗冊由是永無侵越在任九年廡宇城池學宮祠廟無廢不舉又於西門外創修水東書院萃邑中文學士朝夕諷詠其中徵邑文教一時彬彬如也邑人路一麟爲繪水東書院圖公自爲說朝邑李叔則楷邑人路繩烈世美均有記並見藝文志

何清字涵秋號恕菴丁酉廣西省元康熙二年任政尙簡樸

與民休息好土工詩與朝邑李叔則楷邑中路振公一麟郵
筒往還殆無虛日著有在澂集詩稿又捐俸修學宮邑舉人
韓九有有記見藝文

范昌期山西嵐縣進士康熙六年任

楊乾晉湖北黃州拔貢生康熙九年任廉激嚴正長於聽斷
畫板爲人使訟者自賫拘所訟之人吏皆貧困至爲人傭案
或誤斷雖經久必復訊改正枉笞者償以銀兩民納糧畢卽
驅歸田畝不使八茶酒肆由是市肆冷寂獄無停訟衙中草
長尺許今縣中言良吏者必推公爲首云

張秉直徵信錄曰予少時詢之父老言澄賢令必首推公
詢其政蹟僅傳數事他弗知也然于畫板見其廉于復訊
見其公于衙草尺許見其斷夫士君子修身行已能改過
者鮮矣卽公複訊一事不已加人一等哉乃荒僻小壤齷
齷俗儒不能紀述公政以傳久遠作志時更遺公姓名竟
使百年循良第一人不得與尋常庸吏同載簡編亦可悲
矣予身更數世集公軼事不勝哀哀父母之思而况當時
之民乎謹補缺遺俾後之作者有述焉

郭傳芳字九芝號匡廬大同威遠衛選貢授咸甯縣丞代理
長安博學能文一時陝多名士傳芳皆與爲友康熙七年攝
郃陽篆著正俗略與遊梁山記載錢萬選宰莘退食錄十年
署澄城縣事有西川遊半記見藝文後調富平路徵君一麟
爲撰五邑德教碑陞四川達州知州吳逆之變遇難不屈死

戴志未載茲節張秉直徵信錄補入

陳石麟字及陵崇仁進士康熙十二年任展修學宮韓城進士衛執蒲有記見藝文

夏疇字青田山東高密進士康熙十七年任重修南郊魏鄭公祠邵陽舉人康乃心有記見藝文

張承哲漢軍正藍旗廕生本姓惠澄城閩東里高槐村人以父御史公鳳儀嗣太原張氏因隸漢軍承哲以康熙二十三年任澄城慈祥愷悌敬事愛民以病卒于官澄民無大小聞者莫不失聲每歲八月八日合祀于城隍廟

張秉直徵信錄曰張公宰澄予聞其賢詢其政其詳已不可得聞也初御史公出奔時年少止知所生之里至縣則

澄城縣志

卷八

職官上

十六

忘之矣及公宰澄知爲澄人未言也

戴志見里甲冊心竊

疑之

卒後其子弟方識其祖墓樹以柏焉公歿之一月有吏某忽狂言曰公某月日爲邑城隍神呼某廁役遂無病死隨而死者數吏皆如是言故邑至今以公爲城隍神夫生爲正人死爲明神理或有之然亦不足爲公重也

李尙隆漢軍鑲黃旗監生康熙三十一年任

徐元灝江南吳江進士康熙三十六年任

劉元標順天大興歲貢康熙三十八年任

崔輔鼎漢軍正黃旗舉人康熙四十六年任嚴毅方正

按舊

志張公之後卽載簡公今攷府志簡公於四十九年華陰任

其署澄應在此後因改次於崔公後然自張始涖公迄崔二

十餘年必有遺惜莫攷

簡廷佐字治六湖南邵陽舉人康熙四十九年任華陰後署澄城縣舊里甲懸隔差役輕重至相倍蓰廷佐不辭勞瘁均其里甲凡數月迺定縣人至今德之

按廷佐在華陰惠政尤

多後卒於華

張秉直徵信錄曰簡公均役時民有獷悍者率其里甲抗拒不服控府未已也至于控憲控憲猶未已至集衆登城若敵人然公乃佩刀升堂與論曲直久之事始定民之挾私難治也如此然公于此時亦可謂有爲矣

周文澤四川永川舉人康熙六十年由三水縣署任南郭魏文貞祠有榜書四字後調蒲城

澄城縣志

卷八

職官上

十七

按張秉直徵信錄白水知縣鈕琇傳後論曰弭盜荒政要務從古言治道者未嘗敢忽康熙三十年弭盜之功賴有鈕六十年弭盜之功賴有蒲城知縣四川周世澤書曰若火之燎于原不可嚮邇其猶可撲滅二公撲滅之功大矣世澤或卽文澤識以備攷

郟陽縣志雍正二年以罪棄市

向日昇四川成都舉人康熙六十年知韓城縣嘗兩署澄城事清介嚴重一毫不苟有古君子風舊志遺錄茲於徵信錄補載於此

張雲鶚江西建德進士雍正二年任好士愛民政平訟理

劉曰福湖北黃陂進士雍正六年任

蔡豐蓮順天高陽歲貢雍正七年任

董權文鑲黃旗監生雍正九年任

朱文灝浙江嘉善監生雍正十一年任

劉世洪四川閬中舉人乾隆元年任以上見府志

王爾藩山東章邱縣舉人乾隆七年由朝邑縣署任

何達善字子兼山西濟源進士由庶吉士散館乾隆七年署
任甫下車剔革積弊摘發吏奸每布衣草帽私詢民隱豪強
屏跡事有不利于民者必力鋤去饒有膽略上官不能奪其
操尋升劍州知州

李喬字筠溪四川通江舉人乾隆八年任實心爲政尋升旬
州知州

梁善長字崇一廣東順德進士乾隆十四年由白水調署澄

澄城縣志

卷八

職官上

十八

城愛民如子好士若渴不事嚴苛而人自愛敬嘗思以經術
飾吏治一時學問文章爲秦中州縣冠後又調邵陽始終如
一至今三縣士民猶傳頌之

文尚秀四川成都舉人乾隆十六年任遇事果斷聽訟勤明
在澄八年與民相安

關邦幹浙江錢塘舉人乾隆十八年任

陳啓宗直隸通州進士刑政不苛

萬以襄南城例貢乾隆二十四年署任

高質敬直隸任邱舉人明敏果斷摘伏如神

沈繩祖江蘇上元舉人乾隆二十五年署任

梁大端字致仙福建泰甯舉人乾隆二十七年署任公勤仁

恕民愛慕之

婁傑大興舉人乾隆二十九年署任

額樂春滿洲鑲黃旗生員寬厚簡重與民休息創建書院廟字又修城垣民愛敬之後官潼關兵備道又修城隍廟自爲碑記碑內載名爲額爾登額殆卽其人歟

吳忠誥山西太谷拔貢乾隆三十二年署任

史傳遠直隸武鄉進士由高陵縣調署

蔣勲江蘇常熟貢生乾隆四十四年署任

魏成湖北漢川拔貢乾隆四十五年署任

戴治四川中江舉人乾隆三十三年任修舉廢墜力求整頓

捐置義田倡修縣志在任最久後以卓異調繁任安康知縣

澄城縣志

卷八

職官上

十九

寶祥滿洲鑲黃旗監生乾隆四十八年署任政簡刑清民懷吏畏

孫輝曾山西興縣進士乾隆四十九年署任

許光基浙江海甯州舉人乾隆五十一年署任

周志閻山東卽墨進士乾隆五十一年任居心樸實持身正大馭民以恩待士有禮然性剛執不畏強禦有控追負欠必責其負者而免其還蓋公素貧窮深知貧乏甚於苦楚也又省役因事來縣叫囂隳突勢頗橫公斥之偃蹇自若公怒立予杖決役回訴大忤憲意因調署畱壩同知寵之實以厲之公忻然前往不一年累及巨萬比憾釋回任而公已不支竭蹙補苴終不累民任滿告歸囊橐空乏家居布衣蔬食不改

寒素

亞熊

官山東詢之士人猶相傳之

張增埉安徽桐城進士乾隆五十二年署任

秦守禴山西陽曲舉人乾隆五十三年代理

孟寅斗山東東平州拔貢乾隆五十三年代理

周賡河南人乾隆五十六年署任聽斷明決案無畱牘民有新周之稱蓋猶思慕前周不置也

謝家裕廣東四會舉人乾隆五十八年任遇事勤奮差委亦多七年之久無一甯歲民亦相安

顧沂直隸通州舉人嘉慶元年署任

郎澍山東濰縣舉人嘉慶元年代理

徐雙桂字秋山漢軍正藍旗舉人由官生嘉慶四年署任精

澄城縣志

卷八

職官上

一二十

明通達爲政不苛後官至四川保甯府知府

唐鈺浙江錢塘監生嘉慶五年任

林延昌山東掖縣廩貢生嘉慶六年署任性情豁達遇事敢爲後調咸甯理繁治劇才具優長升商州知州

郭士類湖南巴陵舉人嘉慶七年署任

永佑號梅庫漢軍正藍旗舉人嘉慶七年任清廉自矢甯謐無爲嘗言州縣熱官以冷作之編氓囂習惟靜平之以故在澄數年刻覈無聞催科不擾民初謂其不管旣且安於無訟而深德之後調朝邑循聲倍著以朝富庶腥羶公能不名一錢也解任閒居餽米薪者不絕於道比卒之日百姓哀之立祠於南門外一時罕有

胡彬浙江鄞縣監生嘉慶八年任十八年又回任性本坦率政無嚴覈軍務差委不辭勞瘁後調臨潼又改興平

黃釗湖南善化監生嘉慶十年任

唐錫鐸嘉慶十五年代理失其籍貫

尹振麟字竹垞雲南通海舉人嘉慶十九年署任好士愛民能詩縣中間有題詠

周之綬河南商城舉人嘉慶二十四年署任

伍敏字燮堂四川渠縣附生嘉慶二十四年任性情剛果吏民畏懼初任西鄉因事望誤復由軍功議敘宰澄後又以調赴喀什噶爾軍營加知府銜賞戴花翎未任卒

徐廷琛江蘇沐陽附監生由富平縣丞道光五年調理澄城

澄城縣志

卷八

職官上

一二十一

熟悉吏治撫字催科井井可觀尋升安康知縣

車礪字漁村江西金谿縣嘉慶庚申舉人洵陽縣知縣道光七年署任重修明倫堂

金在紳字笏山湖北天門監生道光七年署任補神木縣

鄧夢魁直隸欒城嘉慶辛酉拔貢道光九年任慈惠明決士民愛戴

王履亨字篠園山東諸城舉人道光十年署任後調大荔縣升商州知州現任興府知府

陳明申浙江海甯監生道光十年任丁內艱旋卒於華陰嶽廟遺愛在民

鄧兆桐廣東三水舉人道光十二年署任

崔光斗字建三安徽太平附貢道光十三年任

嚴煜浙江仁和人由府經歷道光十五年署任

張因培字圖南直隸安肅監生道光十六年署任工詩

張錢號雨香直隸磁州嘉慶癸酉舉人道光乙未進士十八年任重修玉泉書院募捐膏火卷價慈良平易民不知擾調大荔長安升畱壩同知己酉九月卒於西安澄土有往賻者口碑載道不減去思矣

王柟浙江山陰監生道光十九年代理

劉汝新廣東信宜進士道光二十年代理

饒澍畛字荔堂廣西舉人道光二十二年署任

何玉珍字寶岩直隸饒陽舉人道光二十三年署任

澄城縣志

卷八

職官上

一二十二

金玉麟字素臣號石船四川閬中縣道光戊戌進士兵部主事二十四年任